

Bæjarráð Garðabæjar

Garðatorgi 7

210 Garðabæ

07. 02. 2017

Bæjarskrifst. Garðabæjar	
Mótt.dags.	08.02.2017
Málalýkili	00-10.1
Mál nr.	1702133

Töframáttur tónlistar

Valhúsarbraut 23

Póstnúmer 170

Tölvupóstfang ggkvaran@gmail.com

Beiðni um styrk.

Töframáttur tónlistar.

Töframáttur tónlistar er tónleikaröð fyrir fólk sem vegna geðfatlana, félagslegrar einangrunar og/eða öldrunar á erfitt með að sækja tónlistar- og aðra listviðburði. Aðstandendur tónleikaraðarinnar leggja áherslu á að kynna eins og best verður á kosið þessa tónlistarviðburði á þeim stöðum sem markhópurinn dvelur á eða sækir.

Fernir tónleikar eru haldnir á vetri á Kjarvalstöðum. Tónlistarmennirnir spila einnig á Litla-Hrauni ef nægilegt fjármagn næst. Enginn aðgangseyrir er á þessa tónleika.

Markmið verkefnisins er að ná til þeirra sem minna mega sín og fara af heilsufarslegum, félagslegum og oft um leið fjárhagslegum ástæðum á mis við það sem best gerist í íslensku tónlistarlífi. Við viljum hvetja þessa aðila til að koma á tónleika og um leið bjóða upp á ánægjulega og gefandi stund. Áhersla er lögð á að skapa gott og afslappað andrúmsloft á tónleikunum. Tónlistarmennirnir ræða við áheyrendur, kynna tónlistina og fræða áheyrendur um hana. Við viljum að fólk öðlist góða reynslu af þessum

stundum og að hún verði hvatning til áframhaldandi tónleikasóknar.

Framkvæmd þessarar tónleikaraðar hefur mikla persónulega þýðingu fyrir okkur sem að henni stöndum því að það hefur lengi verið okkur ljóst að stór hópur fólks í þjóðfélaginu fer á mis við menningarviðburði líðandi stundar. Með hverjum tónleikum fjölgar þakklátum áheyrendum, því í þessum gestaranni tekur langan tíma að mynda traust og áræðni til félagslegra athafna. Umsjónarmenn og tónleikagestir hafa tjáð ánægju sína með þessa tónleika og hversu mikið gildi þeir hafa.

Kynning og markaðssetning verkefnisins

Veggspjöld eru hönnuð og prentuð og hengd upp á heimilum og stofnunum sem markhópurinn býr á eða sækir. Þá eru sendir tölvupóstar á sömu staði í upphafi tónleikaraðarinnar og jafnframt fyrir hverja tónleika til áminningar með frekari upplýsingum um dagskrá og tónlistarmenn. Listrænn stjórnandi hringir einnig og ræðir við umsjónarmenn og starfsfólk til að minna á næstu tónleika.

Upphaf verkefnis 09.05.2016

Lok verkefnis 15.05.2017

Dagskrá vetrarins 2016 – 2017

Mánudag 26. september kl. 14:00

Ragnheiður Gröndal, söngkona og Guðmundur Pétursson, gítarleikari.

Mánudagur 7. nóvember kl. 14:00

Júlía Mogensen, sellóleikari og Guðrún Dalía Salómons dóttir, píanóleikari.

Mánudaginn 6. febrúar kl. 14:00

Dominico Codispoti, píanóleikari.


Mánudagur 7. apríl kl. 14:00

Kristinn Sigmundsson, bassi og Anna Guðný Guðmundsdóttir, píanóleikari.

Við sækjum um styrk að upphæð 200.000 kr. en hvaða upphæð sem er kemur að góðum notum.

Með vinsemd og virðingu,

Fyrir hönd Gunnars Kvarans listræns stjórnanda tónleikaraðarinnar,


Brynhildur Auðbjörgardóttir, verkefnisstjóri (braud64@hotmail.com)